

Tour na de Stadt

In de Ferien fohrt Thees un Alma op Besöök na ehr Grootöllern mit den Tog in de Stadt. Greta kummt mit.

- Thees** Binah hebbt wi noch dat Utstiegen verpasst. Dat ji Deerns jümmer mit'n Plietschfon in Gang ween mööt. – Un denn noch Alma mit ehr groten Kuffer! De Nakieker ist mehrst to Fall kamen, as he in uns Afdeel de Fohrkoorten ankieken wull.
- Greta** Pass op, Thees. Wi sünd twee gegen een. Un legg di lever nich mit mien Fründin an.
- Alma** Süh! Nu kannst mi gor nix mehr, mien leve Broder. Hölp mi lever mal mit den Kuffer. Junge, is de swoor. So veel heff ik doch gor nich inpackt.
- Greta** Wees mal still, ik glööv, dor pingelt wat in Thees sien Tasch.
- Thees** Jupp, dat is Opa. Laat uns mal an'e Siet gahn. Dat is so luut hier. De ganzen Lüüd un de Ansagen ... Ja, Opa, ik kann di hören ... ja, wi sünd jüst ankamen. Deerns, markt jo dat mal: Wi schüllt mit de Stratenbahn un mit'n Bus na Oma un Opa henfohren. Dat is Linje 4 vun'n Hööftbahnhoff bet na de Hoolsteed „Hansebrüch“. Vun dor mööt wi in'n Bus ümstiegen ... Richten Butendiek ... un een Hoolsteed later utstiegen. Denn köönt wi na 'e Steern-Tanksteed fragen, wenn wi nich seker sünd. – Ja, Opa, dat kriegt wi hen. Tschüss!
- Greta** Wat is denn los!? Kummt Opa nich, he wull uns doch mit'n Auto afhalen. Is he nich op'n Parkplatz?

Tour in die Stadt

In den Ferien fahren Thees und Alma zu Besuch zu ihren Großeltern mit dem Zug in die Stadt. Greta kommt mit.



- Thees** Beinahe haben wir noch das Aussteigen verpasst. Dass ihr Mädchen immer mit dem Smartfon in Gang sein müsst. – Und dann noch Alma mit ihrem großen Koffer! Der Schaffner ist fast zu Fall gekommen, als er in unserem Abteil die Fahrkarten ansehen wollte.
- Greta** Pass auf, Thees. Wir sind zwei gegen einen. Und leg dich lieber nicht mit meiner Freundin an.
- Alma** Siehste! Nun kannst du mir gar nichts mehr, mein lieber Bruder. Hilf mir lieber mal mit dem Koffer. Junge, ist der schwer. So viel habe ich doch gar nicht eingepackt.
- Greta** Sei mal still, ich glaube, da klingelt etwas in Thees' Tasche.
- Thees** Jupp, das ist Opa. Lasst uns mal zur Seite gehen. Das ist so laut hier. Die ganzen Leute und die Ansagen ... Ja, Opa, ich kann dich hören ... ja, wir sind gerade angekommen. Mädels, merkt euch das mal: Wir sollen mit der Straßenbahn und mit dem Bus zu Oma und Opa hinfahren. Das ist Linie 4 vom Hauptbahnhof bis zur Haltestelle „Hansebrüch“. Von dort müssen wir in den Bus umsteigen ... Richtung Butendiek ... und eine Haltestelle später aussteigen. Dann können wir nach der Stern-Tankstelle fragen, wenn wir nicht sicher sind. – Ja, Opa, das bekommen wir hin. Tschüss!
- Greta** Was ist denn los!? Kommt Opa nicht, er wollte uns doch mit dem Auto abholen. Ist er nicht auf dem Parkplatz?

Thees Dor is 'n Stau. He seggt, dat kann noch Stünnen duern, bet he an'n Bahnhoff is. Wi schüllt mit de Bahn fohren un denn mit'n Bus.

Alma Oh ne! Mien Kuffer is so swoor. Gifft dat hier keen Gepäckwagen!?

Greta Kiek, dor is de Utgang na de Stratenbahnen hen.

Thees Wat för en Linje hett Opa seggt?

Greta Wi mööt de 4 nehmen, man welk Richten?

Thees Dat hett Opa nicht seggt, laat uns mal kieken. Dor is en Plaan ...

Alma Jungedi, sünd dat vele Strecken, dat is ja en Kuddelmuddel, dor kiekt ja nüms dörch ...

Thees Dor is „Hansebrüch“! Denn mööt wi de 4 nehmen. De fohrt na de Universität hen. Un dor wahnt Oma un Opa! Denn bruukt wi den Tarif III.

Greta Thees, pass du mal op Alma ehr Kuffer un mien Tasch op. Wi haalt de Fohrkoorten:

Thees Hier op'n Fohrplaan steiht, dat de Bahn in ölven Minuten affohrt, seht to, dat ji rechttiedig wedder dor sünd. Wenn wi en Bahn later nehmen mööt, verleert wi en halve Stünn.

Thees Da ist ein Stau. Er sagt, das kann noch Stunden dauern, bis er am Bahnhof ist. Wir sollen mit der Bahn fahren und dann mit dem Bus.

Alma Oh nein! Mein Koffer ist so schwer. Gibt es hier keinen Gepäckwagen!?

Greta Schau, da ist der Ausgang zu den Straßenbahnen hin.

Thees Was für eine Linie hat Opa gesagt?

Greta Wir müssen die 4 nehmen, aber welche Richtung?

Thees Das hat Opa nicht gesagt, lasst uns mal gucken. Da ist ein Plan ...

Alma Junge, sind das viele Strecken, das ist ja ein Durcheinander, da steigt ja keiner durch ...

Thees Da ist „Hansebrüch“! Dann müssen wir die 4 nehmen. Die fährt zur Universität hin. Und da wohnen Oma und Opa! Dann brauchen wir den Tarif III.

Greta Thees, pass du mal auf Almas Koffer und meine Tasche auf. Wir holen die Fahrkarten:

Thees Hier auf dem Fahrplan steht, dass die Bahn in elf Minuten abfährt, seht zu, dass ihr rechtzeitig wieder da seid. Wenn wir eine Bahn später nehmen müssen, verlieren wir eine halbe Stunde.

